

貴池縣志

貴池縣志卷三

知貴池縣事陸延齡重修

輿地志

山川 二

城南山

黃泥隴

舊志在城南五里又二里有房家懷忠亭

新城山

府志在城南十里 有宋永明寺

石馬山

舊志在城南十里

碎石嶺

舊志在城南十五里為陸路孔道康熙府志在城南十里 有宋趙文節公暨夫人雍氏合葬墓 按文節公墓

貴池縣志

卷三

輿地志 山川一

一

在房家懷忠亭西 府志註誤新纂

太婆山

江南通志作太樸山在城南二十里高百餘仞盤亘三十餘里山半有西峰禪堂堂下龍池禱雨輒應宋周必

大謂太婆山極高而其名不典圖志亦不及之有詩曰太婆嶺獨高秋浦戴昷立春前五日得雪詩有太婆頭欲白九子

頂先華之句俱指此山舊志稱其內聯六峰外託九子

萬羅山

江南通志在府南二十里與江祖石隔溪相對上有邏人石李白秋浦歌所謂邏人橫鳥道江祖出魚梁是也

本朝

朱筠遊萬羅山記

乾隆三十有八年歲在癸巳秋九月試池士事畢知府事蒲

城張君士範將屬府學教授當塗倪璜石埭縣學教諭儀徵

施詔先行至萬羅山招余為山中之遊出府南門渡橋行二

十里見江祖石渡溪入通天門轉飛來石側俯臨茅竹樾松
之杪抵雲梯下坐再折上數百步過荷葉石踏溜沙至顛窺
於船石之腹旁睨之蟾蝓也當曰蟾蝓石其右爲鱷鯢鱷鯢
之右狀爲鼻屨三石橫列其對山一石爲蒼鶻之翥眺矚諸
峰清溪在目久之循故徑而下留題壁間是日諸生從遊者
二人貴池姚志鵠青陽陳蔚余兄之子壻及門內閣中書舍
人范鏊叔度子錫卣大樽侍行大興朱筠竹君書

張士範遊萬羅山

池陽山水號奇絕翠巘丹巖幾搜閱萬羅之山羅萬有此名

貴池縣志

卷三

輿地志 山川一

二

此義最昭揭歲維癸巳值長夏時和年豐政初暇同人小隊
出郊坵何事信人勞夙駕高低禾黍穗離離循行阡陌無公
私幾處桑麻閒雞犬引人如覽武陵奇村莊曠望神已爽遙
指諸峰呈萬象潛比靈龜出水嬉起似猛虎負隅狀其中蒼
鷹更神肖側翅凌空欲飛颺目眩心駭不能止峰巒面面非
耶是一灣流水清且漣小舟直抵山之趾林泉秀色別有天
石磴盤紆難正履鼓勇同躋最高處中通天門現天柱雲梯
千尺當空懸直上回頭不敢顧漢唐以來多題名薛碣苔碑
難悉數迺知萬羅名不虛毋乃女媧當年鍊石補九峰巖齊

山寺與此鼎峙稱靈異倦遊不肯賦歸來地勝他時擬再至
朱筠次前韻

亦知奇絕輸清絕江南山山我徧閱頗聞江祖石邊山石石
縱橫神劍切太守好遊遊以夏深秋我來校士暇相招萬羅
近郭南盍往觀之僕已駕我行而望竹樹蕃凹蹊小聚山不
言越岡見崖石齒齒清流漱之迷其源白也尋僊期已爽獨
酌高顛遺履象石半浸水半負山忽若酒人睡隱顛題識難
摩我又來攀躋未厭峰頻上萬个排空經輿止碧色映人玉
相侶諸君待我舍輿徒交手天門足側趾寶珠穿中蟻力愁

貴池縣志

卷三

輿地志 山川一

三

怪鳥飛來僧色喜歷歷雲梯厓盡處我坐爲山度楹柱樓觀
宅上說聃君瑯琊翁竟稱鼻祖此中亭子太守爲子與前賢
亦其數試登山頂一周看密者宜疎缺宜補三奇石壓山寺
蟾蝓鼻鳳鱷魚意我來名汝汝記來何日天風吹我至

江祖石

府志與萬羅山相對唐李白嘗遊此有釣臺有詩
石刻宋政和中李元量諸人題名其下有江祖潭

唐

李白獨酌清溪江祖石上寄權昭夷

我攜一尊酒獨上江祖石自從天地開更長幾千尺舉杯向
天笑天迴日西照永賴坐此石長垂嚴陵釣寄謝山中人可
與爾同調

明 余翹江祖石上讀太白詩

臨流洗綠苔摩崖寫黃絹何人可與語江祖石一片

本朝 王錫璧江祖石懷古

怪石臨溪水沿洄秋氣森謫仙今不見誰與話同心松鼠落

深礪竹雞飛上林終當跨白鶴牛渚試相尋

苦竹嶺

府志在城南二十里有唐李白祠今廢宋周必大錄過江祖興道院謁太白祠堂廢碑存壁間指此其阪有宋

雲光寺

宋 周必大白白沙入小路數里遊雲光寺寺亦華煥登閣

望六峰圖屏欲少留而提舉常平李察院領客將至

貴池縣志

卷三

輿地志 山川一

四

留一小詩戲之

來如負弩迎去為乘驄避江祖一片石留伴幽人醉作者正

七人飲中空八仙長齋詎容醉晉也合逃禪

回黃嶺

舊志在原三保唐黃巢肆掠於此聞朝廷受降遂勒部曲還

屏山

采訪册在城南二十五里上有印石石有仙人跡

福字嶺

采訪册在城南二十餘里自碧巖發脈

上洛嶺

采訪册在城南二十餘里

方字嶺

采訪册在城南二十五里自感鐘山發脈

六峰山

江南通志在府南二十里六峰競秀望之如列屏然府志又雙峰高出其外愈覺深秀

百家尖 采訪册在城南二十里旱禱雨輒應

轎頂山 采訪册在城南三十里自大樓山迤邐而來為郡城發脈

碧巖 舊志在城南三十里土人稱密巖

筭峰 舊志在城南三十里

官隱山 采訪册在城南三十里宋王哲刺池州致仕隱居於此

王伯大登官隱山

曾向南山覓隱仙誰知築室此山巔讀書堂下三更月燒藥

爐中幾縷烟鸞影已隨天上去鴻泥猶在世間傳嫉邪一疏

吾能抗隱世高名愧昔賢

貴池縣志

卷三

輿地志 山川一

五

華督嶺 采訪册在城南三十里宋殿帥華岳故宅居嶺下齊山其後官府第也舊志載華度嶺為華氏先隴誤

石巖 采訪册在城南三十里翠石巖巖尖如銀筍有嵌空玲瓏之妙

獅形山 采訪册在城南三十里透迤磅礴華殿帥祖墓在焉

蕙安山 采訪册在城南三十五里上有化身菴明季高僧研石為金以充日食後積薪化去因名化身長老有像供於

菴後

自己山 舊志在元四保劉城有詩

隱莊嶺 舊志在城南四十里一名隱子山即古仙山之脊劉城有詩

人形山 采訪册在城南四十里土名栗山阪山脈來自九華蜿蜒數十里突起二峰奇傑深秀宛象男女二人二山之

間有石橫卧周圍數丈上有龍形天欲雨雲氣團聚西五百步有仙人跡長二尺許山下有河西有石橋五重皆程氏建

碁盤山

采訪冊在城南四十里

大樓山

江南通志在府南四十里李白詩行上東大樓指此名勝志以今之東城樓當之誤按大樓山一帶昔有奸

民魁開炭井道光十四年郡守吳琪示禁刊碑在鍾英門外光緒五年復被盜開廩生鄭寅亮等稟請知縣楊同福示禁並請郡守吳世熙出示永禁刊碑在府署屏牆外新纂

明

劉城遊大樓山記

記有二錄一

人皆言大樓山與府治面遠去五十里而為之朝此大略之辭也山延袤宏闊有絕高兩峰其一與寺近名柏峰巖豐下銳上迴出雲表與府治西南對見今所稱毓秀門門外平湖浩衍空氣濛濛及雉堞睥睨若可指數江流如練風帆如葉

貴池縣志

卷三

輿地志 山川一

六

也其一去寺稍遠在峽川口拔地突出陡起千仞視柏峰尤雄壯與府治正南對見今所稱通遠門郡廳事直焉門外河梁襟帶爨烟生滅及雉堞睥睨亦可指數蓋大樓之面府治以兩峰而兩峰之與府治面其同異有如此山去江又遠於府治而兩峰見之若一高可知也大白秋浦長似秋蕭條使人愁客愁不可渡行上東大樓正西望長安下見江水流寄言向江水女意憶儂不遙傳一掬淚為我達揚州始余疑大樓與江水遼闊何詩意超忽乃爾及履其地乃知詩言不誣蓋登山實見江水既見江水則掬淚付之無不可達矣西東

字於吾邑境亦大分明子鑿進曰太白古風鳳飛九千仞一首中云萬藥秘海岳采鉛清溪濱時登大樓山舉首望仙真諸語亦實指茲山而言以既落風塵之後藥物卒不可得所以泛清溪而登大樓非概云仙人樓居意也惟山高遠曠闊心境廓然故羽駕滅景飆車回輪當是登覽時所作余曰然太白他日代內答云估客發大樓知君在秋浦又與周剛清溪宴別詩云溪當大樓南觀其言必指稱非雄曠瑰奇不足當乃公意顧吾曹不躬親游歷亦不知詩與大樓親切有味至此此不可不記

劉城大樓山歌

大樓之名必有以圖經志牒都無紀何人誤讀太白詩東指麗譙說遺址我聞神仙好樓居十二之樓黃帝起漢皇遂作通天臺蜚廉桂觀排空峙并幹高騫五十丈欲寫蓬萊建章裏方士荒唐固可嗤文人妄聽聊憑耳君不見茲山拔地起千尋兩峰去天不盈咫山下經過面面殊峰頭直望層層齒城郭炊烟到眼多江流帆影看來駛疑將插漢敞交疏何異干霄朐結綺平通雲鳥入罟罟參差巖洞成階所因逢好事命佳名大樓標目差堪擬孫卿如受申公書蔡經或聽方平

使定可茲山信宿留不比漢宮髣髴似愛說大樓山者誰云
是謫仙人姓李

古仙山

江南通志在府南六十里府志在大樓山之東相傳爲神仙窟宅有洞洞中有石碁局鉦鼓在焉

劉城古仙洞記

自道上視之一培塿爾高若止逾丈修不及三十尋也而通體皆洞其大者有三最奇勝者二其一豁筭向上張口路側老樹獨幹穿石橫根其間人俯而入不數武可布胡牀六七仰之若高厦焉步之若中逵焉直視之若永巷焉乍覲之若工師所斲築焉睇之捫之徙倚之折旋之然後知造物之狡

貴池縣志

卷三

輿地志 山川一

八

獯而巨靈之小爲埏埴也有色黝然有紋縷縷然有乳滴纍纍然有苔衣菁蒼然有後戶出於腹坦坦然於石之理粹矣其一關戶山左門敞豁可容車中高廣與前等而幽陰過之仰視石狀或似奇鬼似猛獸似人似仙真附身於屋壁者顧時有寒慄之氣侵人肌骨以文況之前如韓此如柳以詩況之前如李杜此如東野長吉也而以戶枕田塍非羣衆所經遊杜德機而全隱節抑又甚矣其口於路側者得題字僅廬山趙及水利乙巳歲仲春月十餘字可辨然文義難詰字畫亦在下中可無問也初土人第以洞口稱余按郡志曰古仙

洞此必上真所窟當小福庭幽異靈奇時見時闕名不虛也
夫

劉城古仙洞歌

世盡妄爾豈有仙此語名通亦未然琅函姓字幾百輩不止
王喬與偓佺我知真人棲遯遠豈肯黃屋相流連祖龍茂陵
徒想望阿房五柞枉纏絲有仙餐芝復辟穀丹爐應置窮崖
麓頑山拙石未堪留知在玲瓏窈窕谷蕭然此洞隱荒村中
空四壁如夏屋蜿蜒門徑已嬋娟狡獪形容尤凜肅斲刻疑
經鬼斧成靈竒定有神人宿此閒白石可煮烹此閒羣羊可

貴池縣志

卷三

輿地志 山川一

九

畜牧對弈能令樵者觀縱博何須橘內蹴縣崖盡足繫青牛
側石尤堪放白鹿餘杭老姥油囊酒何妨共坐飲百斛我爲
此語非誕迂要見古洞幽且都齊山華蓋及左史譎詭恢奇
皆奧區彼以負郭成名早上真棄名如棄汙固知此洞仙來
居

缺巴山 舊志在大樓山

按缺巴與窟巴係二山李志謂缺巴一名窟巴誤

官山 府志在城南四十里峽川有洞土人稱官山巖

南山 府志在峽川南有洞與牛避洞相鄰

本朝
戴移孝南山洞歌

南山錯錯戴危石深洞下藏窟莫測千年何人采藥來沙壅
洞口高欲塞碧落道者白衣生炳炬一旦肆搜索偃僂背巖
攀嶄絕裂罅嵌身踏鋒鏑蕭瑟聽疑風雨聲陰泉暗流雜乳
液緣泉一關復一關入即不出顧可惜形狀奇詭難具陳雲
蒸石骨含欲滴潛蟄睥睨蛟龍宮擲揄左右鬼神摘深奧可
貯藏經龕謹鍵如封合丹宅泉通罅窟未窺源炬盡欲行行
不得君不見四十六天大小兼古仙所治備典籍游覽何異
塵壤居文字反爲造化賊似此山邃乃足佳桃源那許多人

貴池縣志

卷三

輿地志 山川一

十

識我雖來此不浪留傳與高真共棲息

跑駝嶺

采訪册在城南四十里府基
大龍過峽處俗名拋刀嶺

拱壁山

采訪册與跑駝嶺起伏相倚端
正圓好稜角全無俗呼團山

泰山

采訪册俗名炭山與拱壁山
相接上有七星石仙人石

虎形山

采訪册距城五十里其脈來自九華山山有得勝
洞常有龍蟠雨輒有霧上有王字石下有虎爪石

曉山

采訪册距城五十里中有
金仙洞洞內有石形如人

墮星石

舊志在城南四十五里
世傳有星墮地化爲石

明

劉城墮星石記

去桃波不三里有二石孤蹲田閒相傳星所墮化也不知幾

千年矣事無可考顧四山遼遠蔑所連接而闖然見石焉一
矗而立一橫而卧矗者皴秀可級以登橫者蜿蜒可凭以踣
以云飛來以稱星墮無不可者按春秋僖公十六年春正月
戊申朔隕石於宋五經蓋止言隕石而左氏乃謂隕星也公
羊氏曰先言隕而後言石聞其碩然視之則石察之則五也
穀梁氏曰先隕而後石隕而後石也後數散辭也耳治也石
無知故日之公穀皆不云星實也余意使果星隕爲石經豈
可不明所自而第書隕石莊七年四月辛卯夜恒星不見夜
中星隕如雨經於星複言之何如其詳而此經言石何其略

與杜氏曰星隕如雨見星之雨而不見在地之驗此則見在
地之驗而不見始隕之星而遽指此五石曰是星之隕爲之
卽聖人敢乎哉是故經第曰隕石亦已明矣余於左氏不能
無疑而况其他顧後世星隕爲石史不絕書此或承襲邱明
或實有其事不可概論者吾故語同游曰聞元覽氏之言大
星徑百里中星五十里小星三十里使此卽小星所隕繇峽
川至白洋一星覆壓之有餘何僅此如拳爲然吾思石之英
升而爲星星以光用者也故虛闊而大星之靈降而爲石石
以精用者也故縮結而小此關至理未可以茲石之有無從

星作戲論也今去石三里許呂姓者曰墮星呂

覺源山

府志在城南四十
五里有湧泉亭

船峰山

府志在城
南六十里

五老山

采訪册一名五爪山為梅村水口秀
麗端嚴列如玉筍在城南七十里

桂向陽梅村五老峰

昨宵夢奇境飛上紫雲閣金屋面瑤宮光采照巖壑四壁香

風生庭花開不落中有五蒼叟雲衣何燦灼我疑是天仙日

取流霞酌長跽前致詞願君分一勺老人顧我笑手指雙白

鶴斯物已千年何曾飲丹藥守理苟不違精氣豈消索

貴池縣志

卷三

輿地志 山川一

十一

三台峰

采訪册在城南七十里梅
村三峰屹立拱向桂村

桂朝玠梅村三台山

梅花村裏五雲橫海上神山對面迎莫使三公虛爾職好為

霖雨潤蒼生

筆架山

采訪册在梅村四峰
並列形似筆架也

剪刀嶺

采訪册在梅村西南
雙峰交峙其形如剪

烏金山

舊志在梅村河
北上多怪石

照溪山

采訪册在梅村河北舊志
謂出九節菖蒲今無

魁山

采訪册在梅村東面每晴霞
迎初日金光燦錯景致絕佳

南山望江峰 采訪册在梅村高可瞰江雲出則雨

雨公巖 采訪册在梅村巖下有龍王洞禱雨取洞水灑之輒應

金龜山 采訪册在梅村西南蕭阡河出口處

鳥珠嶺 采訪册在梅村西面

麻塘嶺 李志三十六山之鳥道

三十六山 江南通志在府南七十里雲峰六六插入晴空

明 柯相山居

盤石苔鋪砥掌平山人跌坐誦黃庭白雲好為周遭護莫遣

山中猿鶴驚

貴池縣志

卷三

輿地志 山川一

十三

按是山蜿蜒入峽山為曹山連亘為西山下為下西山腹為獅山其上為球山下為隱莊山其左大樓山之隙為齊羅山有洞俗名小樓山洞迤邐而入為象鼻山為鳳山其趾為松寮山有妙勝寺

雷爪山 采訪册在城南七十里其山府治來脈過峽山有白馬仙師石祭典載之

白笱山 府志在城南八十里亦曰白笱陂

唐 李白遊秋浦白笱陂

何處夜行好月明白笱陂山光搖積雪猿影挂寒枝但恐佳景晚小令歸棹移人來有清興及此又相思

白笥夜長嘯爽然溪谷寒魚龍動陂水處處生波瀾天借一
明月飛來碧雲端故鄉不可見腸斷正西看

明

陳昂暮遊秋浦白笥陂

海月如明鏡飛來白笥陂水分鱗介影竹蘸鳳凰枝雪棹山
陰夜雲騰天漢時峰巒吾自選相對坐題詩

本朝

曹文慧太白祠遺址

白笥千峰裏飛來皎月光相傳唐李白此處舊祠堂路斷苔
痕古詩摩石篆香風流呼欲去溪水共徜徉

張錫蕃白笥陂丹谷原韻

貴池縣志

卷三

輿地志 山川一

十四

跡自青蓮著陂還白笥傳勝情成獨往芳躅繼前賢夜對尊
前月朝攜檻外煙何時隨子去亦學飲中仙

曹樹馨白笥陂擬古

蕭蕭涼月橫鳧渚陂上魚龍寂不舞水鏡澄搖萬古瀾洞雲
欲作千峰雨手攜鐵笛凭高樓吹動神仙下十洲月落西巖
人不見歸來古寺霜鐘流

按邑中白笥山有二一在城南二十五里唐處士鞏疇
棲隱處一在城南八十里李白遊覽處宋彭澤令曹清
移家於此今有曹村亦名懷陶里

避暑嶺

舊志土人或稱避暑嶺採訪冊在城南六十里林竹陰翳其上有亭夏日行人憩息於此

七井山

江南通志在府南八十里與石埭分界上列七峰湧泉七穴其麓盤迴數十里遙接九華

虛山

採訪冊在小太平距城南九十里高數尋橫亘二三里外似覆釜東麓闢洞口如門循而入石室凡七嵌空玲瓏步

步引人入勝第五重有石生大士像兀然中坐上有花龕倒垂銀竹森立瓊樹排空周於四隅如所圖普陀崖形故又名觀音洞按採訪冊距城七十五里其山之半豁然中空如夏屋然中有石如大士狀旁有立者坐者如羅漢狀進數十武有石門深黯難測然炬而入踰小關度危梁不敢前北折而西其洞若堂若房若几若牀若禽獸器物之石不可勝數時雨將降常有雲氣縹緲洞口人咸以爲龍所噓云新纂

曹麟開虛山洞歌

虛山古洞乾坤別鴻濛包裹仙靈宅十二萬紀觴百神嵌空

貴池縣志

卷三

輿地志 山川一

十五

琳宇森排戟雨暘氣竇殊呵噓石扇晶臺搖水碧下臨無地上倚空撥雲而入只挈一枝堅瘦隨身筇恍疑蓬萊割左股虛無天樂入琅璈戛擊青霞宮細則啣鳳鸞大則吟虬龍妙鬢雲氣裊五色冰綃簾幕寒玲瓏不見人相見我相靈根幻出青蓮容卍字蟠胸絢瓔珞滅雷斧跡成天工上垂萬斛碧沆漉下懸千朵青芙蓉擬探元秘出幽杳徑路欲絕忽有虛竅風雲通深入百步渺難測白晝陰霏翳黝黑欲掩未掩仙關開似頽不頽兩崖逼再厲再進行還遲腰下辟邪金獸垂羣從紛投火鈴入陽精騰上一氣嘯走罔與夔飛梁數折窈

以復銀房幾曲透而迤此中遺卻石牀枕拂之以袖忽驚滿襟瓊髓濡淋漓四顧若已窮一竇瀉澎湃雨師折坤維雷鼓震地肺是豈暗有蜿蜒神物蟠閃倏雲旗飛靉黷當知此去遍爲四海霖爲問高卧青天幾養晦徘徊伫立風泠然涼生肌粟難留連回身出險卽夷境坐想芷園詩叟遺蹟心懸懸朝飲有心馨暮飲無礙泉招鶴下青靄采芝凌紫烟老作虛山歸隱客那更飛夢縈繞玉堂仙雲中仙子一招手歲逾五百來何後爲君飲以帝臺漿一掬流霞不盈斗頓覺世味薄彌欣仙骨輕出山泉水尙如昔天花道場經幾更咄嗟虛山

不負叟叟也一往徑不迴駕蒼螭精祇今詩筆落巖牖墨灑烟雲事亦偶詩耶人耶與山並鬪風骨奇望而不見空搔首天門開跌宕汗漫終當效禽向莫待蓬萊清淺時霜飛綠鬢增惆悵此詩此景皆可傳神仙才子偕清緣因聲寄向清虛巖裏後遊輩要探驪珠出洞天

王元梅次曹麟開韻

我聞虛山仙境別中有清虛仙子宅石扇豁訝闢洞門亂峰竦立森牙戟鳳芝虬菌抽靈苗卷露含雲半山碧禹蹟之山多靈空安得徧拄九節筇左神林屋洞飛仙蓬萊宮員嶠方

壺藏貝闕孕珠抱月眠癡龍名山洞天三十六金庭紫府開
玲瓏道經佛地七十二神蹤仙跡虛能容雲斤月斧恣鏟鑿
不關人力由天工每欲攜將謝眺句太華山頂肩芙蓉嗟予
有志苦未逮緬懷勝境神常通虛山之洞不可測窈窕離奇
閉陰黑黢語雪色如白鴉猿猱跳擲山鬼逼我聞此語心遲
遲尤怯危巖向下垂温嶠然犀照牛渚水底奔竄鯨與夔且
投一炬人深窅如珠九曲穿透迤一綫飛橋架寥廓峭壁雪
乳紛淋漓忽聞風雨勢泮泮隱約雷霆撼地肺昨夜神龍起
作霖雲氣呵噓餘靉靄就中得據冰雪牀不寒而栗光明晦

丹砂石鼎尚依然如斯靈境堪留連不識仙人邈何許徒使
盼望心旌懸忽看壁裂涌瑤髓飲之暢爽勝醴泉仄徑崎嶇
覓舊蹟聳身洞口披林烟回首呼之響共答遨遊直欲挾飛
仙仙人乘鸞已分手杵臼猶留遺厥後何幸瓊漿得試嘗飛
上高峰弄星斗仙宮一別覺身輕浮雲遊迹幾番更題詩幸
有同袍友索和長歌以記山澤之靈精畫圖縹緲懸窗牖九
華遙對成佳偶爾我相知歲月長詎信人間終白首吁嗟仙
人遺屐堪跌宕一日鳧飛隨所向今思繼作虛山遊誰與偕
行動惆悵羨君題句句必傳曾結仙人物外緣歸來拍手洪

崖下始信人閒別有天

錢淇重遊虛山

一別虛山十四年今朝又看泰平天春崖好鳥能親客古寺

枯僧但學仙寸草關心三月雪

時丁父艱

芙蓉回首九華烟那堪

拭淚尋先澤空憶名題抱石眠

父希孔曾遊此有詩

劉學欽九日偕同人遊虛山洞

古徑葉初下名山客自遊探奇穿古洞長嘯倚巖頭細水不

聞響黃花獨笑秋此閒天地別何用覓丹邱

劉崇禮九日偕同人遊虛山洞

適曹君留讌

貴池縣志

卷三

輿地志 山川一

十八

疏雨卷空碧微風聞菊香穿林來逸叟送酒作重陽苔淺石

痕瘦洞深燈影涼何年闢異境倚立悵茫茫

以上詩歌均新纂

獅山石門

采訪册在城南七十里姚村水口從九華山蜿蜒而來懸崖峭壁怪石嶙峋雙峰對列如門清潭急湍環

繞其下

羅隱遊石門

道轉羊腸過石門白雲浮動小溪渾青山並聳東西寺黃葉

孤飛遠近村洗藥人分秋水淨施茶僧就夕陽暄何須載酒

粉榆社明月清風當一樽

按府志謂李宗泗石門道中作第七句作何須問酒東林社

螺星石

采訪册在石門左碧水瀠洄青翠似螺錯落如星因名

王元梅螺星石

何年星隕白雲端化作螺形障碧湍十里細沙磨玉鏡一圍
春水托銀盤夜深溪渚常依月風靜凌蘅欲上灘未肯隨波
歸海市屹然蹲踞穩如磐

石門山

江南通志在府城南九十里其上有青尖唐高霽隱居之地春臺巖高霽所築桃花隴李白與高霽同遊處也

存石刻大
小十六字

唐

李白憶秋浦桃花舊遊時竄夜郎

桃花春水生白石今出沒搖蕩女蘿枝半搖青天月不知舊
行逕初拳幾枝蕨三載夜郎還於茲鍊金骨

貴池縣志

卷三

輿地志 山川一

十九

小黃山

府志在城南九
十里高百餘丈

唐

李白贈黃山胡公求白鷗

聞黃山胡公有雙白鷗蓋自家雞所出自小馴狎了

無驚猜呼其名皆就掌取食然此鳥耿介尤難畜之

余平生酷好竟莫能致而胡公輒贈於我惟求一詩

聞之欣然適會宿意因援筆三蚪文不加點以贈之

請以雙白壁買君雙白鷗白鷗白如錦白雪恥容顏照影玉

潭裏刷毛琪樹閒夜棲寒月靜朝步落花閒我願得此鳥玩

之坐碧山胡公能輟贈籠寄野人還

按胡氏家乘請以二字
作解予買字作易錦字

作雪靜字作
淨輟字作輒

按貴池城南有黃山嶺與蝦湖近李白宿蝦湖詩雞
鳴發黃山當指此舊志載兩黃山無小字府志加一
小字以別之但城南之黃山高無百丈距城七十里
府志殊誤且貴池黃山有三東西南三面皆有黃山
以為有二黃山者亦非又按江南通志載當塗縣有
黃山在府城北五里與徽甯二郡界之黃山名同地
異今註青蓮詩者引當塗之黃山為白所遊歷不知
是山去池郡蝦湖幾五百里豈能朝發夕至青蓮於
江南名山無不遊憩是詩當以池之黃山為定若夜
泊黃山聞殷十四吳吟一首恐夜泊必在江干非池
之黃山矣

貴池縣志

卷三

輿地志 山川一

二十

盧子庫山

江南通志在府南九十里一名伏龍巖世傳有
龍化人於巖前未全而止又有龍池雩禱常應

西峰山

江南通志在府南九十里石臺上有巨人跡府志世傳
西峰聖者挂錫處有祠有迎仙閣巖南為西峰洞上有

龍池從石壁瀉水伏流地中至劉
村口小澗噴薄而起灌田甚多

杉山

郎遂杉山志在城南百有十里南湖集杉山僻處
奧區斗入天表九華之勝以秀杉山之勝以幽

吳應箕杉山詩

杉山山寺萬山開夢裏曾經幾度來雲外僧居天外寺雨中

花散石中臺茗香此日同清磬詩句他年照綠苔不索空門
頻信宿誰令身世絕塵埃

城東南山

石壁山

江南通志形如削壁故名府志在城東南十里唐時有寺今廢

俯泉嶺

采訪冊在城東南十五里山脈來自六峰上有古石下有清泉灣環活潑宋張夢卜宅於此

翟繩祖俯泉嶺

曉看東山月村氓已啟扉麥香黃入檻雲溼翠沾衣人語呼
牛急簷花雜鳥飛嶺頭一片石使我坐忘機

黃老山

府志在城東南三十五里唐康駢隱居處駢著劇談錄其自序云乾甯二年建巳月池州黃老山白社詩

貴池縣志

卷三

輿地志 山川一

二一

渚湖山

江南通志在府東南四十里絕頂有田淵泉旁出澄泓如練蒹葭魚鷺若渚湖然故田無旱憂是山一名義湖

姜可久渚湖

萬山堆裏白雲樓峰頂開湖已自奇更羨長江時在望波流

千里與天齊

張仙嶺

舊志在城東南四十里相傳張果老嘗遊此故名

姜繡張仙嶺

里傳果老煉丹來峻嶺風高接露臺一自跨驢人去後至今

若個到蓬萊

寶山

舊志在城東南四十里山盡奇石明徐翥名曰石林

姜可久寶山

誰將員海嶠移置我隅東盡作參天勢都無撮土功洞流雲
氣冷樹靜鳥呼空應是仙靈宅登臨或可逢

滄鹿嶺

府志在城東南四十里相傳高僧盧公面壁於此有鹿為之運水水滄鹿足故名

五山

江南通志在府東南六十里孤峰獨出其下散為五支聯絡相屬巍然為羣山之長

柏巖山

府志在城東南七十里嶺多老柏故名

城西山

湖山

府志在城西秀山門外半里許其頂平曠可眺大江其麓有宋貢院遺址

宋朱熹九日登天湖

天湖應作湖山用杜牧之登高韻得歸字

貴池縣志

卷三

輿地志 山川一

一一一

去歲瀟湘重九時滿城寒雨客思歸故山此日還佳節黃菊
青樽更晚暉短髮無多休落帽長風不斷自吹衣相看下視
人寰小祇合從今老翠微

明

余翹登湖山

乘高何處得眸開載酒湖山藉草萊烟裏夕陽無限景歸帆
落雁蔽江來

本朝

吳襄湖山

兀坐湖山巔醉向湖山語當年沽酒人杯杓今何所芳草成
一灣落花鐘數杵山水悄無言日盪江中嶼

鉢頂山

府志一名笠山在府城西半里其麓有鐵佛禪寺

杜鵑

江南通志在府城西四里因杜牧得名其下有杜湖府志有耀龍諸山名勝志杜鵑以杜牧名或曰杜荀鶴別業

唐

杜荀鶴溪岸秋思

桑柘窮頭三四家挂罾垂釣是生涯秋風忽起溪頭白零落

岸邊蘆荻花

又閒居卽事二首

形覺清羸道覺肥竹門前逕靜相宜一壺村酒無求處數朵
庭花見落時章句偶爲前輩有話言多被俗人疑一枝仙桂
如攀得祇此山前是老期

貴池縣志

卷三

輿地志 山川一

一三三

竹門茅屋帶村居數畝生涯自有餘鬢白只因秋鍊句眼昏
多爲夜鈔書雁驚風浦漁燈動猿叫霜林橡實疎待得功成
卽西去時清不問命何如

又山居自遣

茅屋周迴松竹陰山翁時挈酒相尋無人開口不言利只我
白頭空愛吟月在釣潭秋睡重雲橫樵徑野情深此中一日
過一日有底閒愁得到心

又和友人見題山居水閣

池閣初成眼豁開眼前霽景屬微才試攀檐果猿先見纔把

漁竿鶴卽來修竹已多猶可種豔花雖少不勞栽南昌一榻
留徐孺楚國千鍾逼老萊未稱執鞭奔紫陌惟宜拄杖步蒼
苔籠禽豈是摩霄翼潤屋元非澗下材鑿己每將天作鏡陶
情常以海爲杯和君詩句吟聲大蟲豸聞之謂是雷

劉岐杜隲

不見樊川客今來杜隲中草平崖泛碧花煖水浮紅乳燕嬌
開尾生魚小半籠河山風不異舟楫憾難通

雞毛石

舊志距杜隲八里

龜峰山

府志在城西二十五里後湖之濱有宋寶安寺元元統乙亥鑄爐尙存

貴池縣志

卷三

輿地志 山川一

二四

專景山

舊志在城西二十五里王家汊右俗呼甄景山

大山

府志在城三十里黃山坦瀕後湖

伍家墩

采訪冊在城西三十里李志以唐伍喬得名

黃楊石山

府志在城西四十里上有洞曰天門一石刻善格天心一石刻崆峒最勝明尙書羅尙忠相國丁紹軾曾

讀書其地有菴曰雲棲山主胡衡建
置有香燈田後裔郡廩生識劍有記

靈田金雞石

江南通志在城西五十里府志有舖埤雅江南陳氏莊前一石月下忽作雞聲池人遂傳靈田陳氏

嘗得金雞於石中
故舖以金雞名

金燈巖

府志在城西六十里巖石如懸燈相傳宋岳鄂王飛勒軍過此惡其以金名命鑿去之今止存其半其間有龍

尾洞羅漢洞鐘鼓石神魚洞猴孫洞獅子
石蓮花石石漁翁諸景邑人劉廷鑾有記

雷遇春石漁翁

不向長江釣風雪只愁深處波濤闊蒼茫鵠立無所求亭亭
冷面常如鐵晝夜觀魚樂未央明月來往清風涼兩眼如鏡
光晶晶閱盡浮雲天地老

石子頭山

采訪冊在城西六十二里
山不甚高而體皆突兀

和龍山

府志在城西六十里有唐靈慶院宋更名嘉祐寺寺西
為妙空洞即今一指菴依洞為屋洞內嵌空玲瓏有石
大士法相天然不假雕琢一泉引入香積供伊蒲之用不假
外汲洞頂架樓三間由東蜿蜒而上為望江亭達嘉祐寺竹
樹蕭森巖花幽秀有宋景定壬戌碑追刻南
唐刺史王繼勳邑尉王暉及陳常儀三詩

王繼勳題妙空巖

貴池縣志

卷三

輿地志 山川一

二五

白面山前靈慶院茆齋道者雪峰禪只棲雲樹兩三畝不下
烟蘿十五年猿鳥認音呼喚易龍神降伏住持堅誰知今日
空巖畔獨出醫王闡法筵

白面山

江南通志在府西南李志在城西六十里名勝志雲崖
拱北如傅粉下有白面渡匯於秋浦府志元萬戶王建
中屯
此

宋

蔣之奇白面山

白面峰巒碧玉堆故人卜築在巖隈難尋荀鶴舊遊宅尚有
昭明古釣臺滿檻名花紅勝錦一溪綠水碧如苔七閩千里
倦行客兩眼眇昏向此開

華岳白面渡

繫船白面問溪翁名不虛傳說未通祇恐當年溪上女浣紗

時節嫩勻紅

郎山 江南通志在府西七十里下有玉鏡潭水經注貴池水出縣南郎山山有大崖小崖上列玉屏下有深洞壁立數仞

飛鼠甚多

寒山 舊志在城西七十里五峰特出

城子山 府志在城西七十里即古石城縣城

石橋山 江南通志在城西九十里峰之東兩峰相對一石跨之若梁下奔泉泐石入穿山洞而出

楊梅坦 府志在城西九十里嶺上多樹楊梅唐有楊梅舖宋有楊梅驛今廢

貴池縣志

卷三

輿地志 山川一

二六

筆尖山 府志在城西九十五里舊志與雙溪秀峰相連明御史張廷瑞號筆尖山人以此

祖山 府志在筆尖山旁夏有霧則雨

石龍山 府志在城西九十里懸崖有半山洞

四屏山 采訪冊在城西一百二十五里其山縣巨博厚高數千仞巒岫奇峭時有烟霧斷續若波濤之勢

三峰山 府志在城西一百六十里唐村今縣丞署駐焉山下有一郎二郎廟皆奉昭明太子為秀山分祀采訪冊三峰

自橫山發脈縣巨數十理由虎額山過龍門峽三峰並列高插碧空

唐永賢三峰山

我家萬山中四面屏環列三峰奇之奇撐空勢截嶮脈自橫
山來迤邐而盤折衆山亦窈窕無如此秀絕髣髴三神山飄

渺與凡別實則三台星精氣爲之結左闢龍門塘蛟飛雲詭

譎右屹雞冠巖石潤雨澤決陟頂望九華芳香手欲摘濬河

一帶流吸盡胸懷澈以此應鍾靈山傑人亦傑故我莘野公

千古高其節

唐 蟄號莘野 見 隱逸傳

張應薇望三峰山宿唐村與諸生共話

注 康熙壬戌季 春 有 入 山 靖 寇

之 役

曉入村邊路三山勢獨雄文章酬國士道義結淳風修竹棲

凡鳥長松偃老龍縱鄰烽火地禦寇借諸公

雞冠巖

采訪册在三峰山石潤則雨

貴池縣志

卷三

輿地志 山川一

二七

龍門峽

采訪册在三峰山左有蛟窟方廣數丈深丈許雨則雲興

小井山

采訪册在唐村有仙人井其深無底唐大治有傳說當年仙杖指忽開石窟湧清泉之句

虎額山

采訪册在治西一百六十里唐村壁立千仞虎爪虎鼻形狀確肖下有潭潭上懸大石宋唐蟄釣於此刻有逸

民釣臺四字

歇源虎形山

采訪册在治西一百七十里岡巒雄秀林樹陰鬱雖夏猶秋逸民唐蟄葬此

破石山

采訪册在治西一百六十五里吳應箕有破石山頭氣似嵐之句

歇嶺

采訪册在治西一百八十里通石埭上有四州大聖亭

佛座山

采訪册在治西一百六十五里有佛座菴僧普傳在此得道吳非有記

冷阮隄

采訪册在治西一百七十里參阮嶺左

參阬嶺 采訪册在治西一百七十里下臨清潭

大尖 采訪册在治西一百七十里

雙陽 舊志在高田有大陽小陽

雪崖 采訪册在大剡溪口治西一百七十里明吳經邦取雪泉於此

長灘石 采訪册在大剡阬口

壓氣培 采訪册在治西一百七十里大剡溪橫山左吳應箕復營兵敗執於此

吳孟堅壓氣培歌

壓氣培前奔萬石陰雲莽莽黑霧塞水號風怒激沙飛髣髴

旌旗雷電掣我父軍聲墮此間星日無光天欲折我母頸罹

貴池縣志

卷三

輿地志 山川一

刃痕七身投層崖腦並裂我妹三齡棄路死百口家人一無

得前山溪下血猶腥將士同時皆義烈烟颿玉碎三十秋天

地迄今為慘惻腸斷紆迴忍追憶千載空阬堪並說嗚呼千

載空阬堪並說

西黃山 府縣舊志作黃山吳應箕樓山集作橫山江南通志黃山在府西百八十里上有三十六垣與歙之黃山三十

六峰相對

吳應箕自大剡溪望橫山諸峰

方秋理勝情窮都展高眺距今三望舒清夢猶為繞而我觀

茲山曩遊翻見少奇秀時復遭無如此幽窅天外削不成雲

中青未了疑或誰仙人行空幻窈窕鄰壤有九子峰峰絜之

小藉甚胡獨名徒以臨江表俗情鮮特達勝區資介紹安知

劉南陽中懷非獨矯諒哉金石鑑斯為得要眇

古牛岡

江南通志黃山最高者可望匡廬舊志俯視匡廬彭蠡杉棣九華不啻兒孫采訪册其岡多矮松長不滿二尺

枝幹
蒼古

黃山望江尖

采訪册黃山三十六垣之頂南望浙閩西望豫皖歷然在目

抱兒石

舊志在古牛岡

掛榜山

采訪册在小剡溪口治西一百七十五里

南城山

府志在小剡治西一百八十里有唐時栖真寺明隆慶中僧道鏌擴修殿宇

貴池縣志

卷三

輿地志 山川一

二九

烏山

采訪册在治西一百八十里山形壁立其色如墨故名

天井洞

采訪册在治西一百八十五里深不見底多藏燕

水龍山

采訪册在治西一百九十里湘皖口由靈山發脈忽起忽伏有夭矯之狀

虎頭巖

采訪册在湘皖口二巖對踞如虎爭雄

大塘尖

采訪册在石田治西一百九十里有怪石如紗帽山下石窟湧泉清冽可愛

剪刀巖

采訪册在湘源治西一百九十里

箭頭山

采訪册在南村治西一百九十里一峰矗立秀削如箭

靈山

江南通志在府西二百里黃山之支也其巔有田百畝有泉灌之不竭采訪册山上有七井洞

葛仙巖

采訪册在棹院治西二百里

城西南山

檀婆山 府志在城西南二十里郡脈所自來天降雨必雲翳其半

本朝 劉廷鑾檀婆山

山外時常夢裏過暑遊今得犯烟蘿庭荒人誦劫中佛客到
禽喧土姓婆亂渚灣通秋浦曲浮圖影瞰皖江渦叢深翠篠
還留屐回眺舟前積水多

磨盤山 舊志兩石相疊如磨盤然

按磨盤山邑中有二一在何村村城西南二十五里一
在仁三保城西南一百里

貴池縣志

卷三

輿地志 山川一

三十

龜形山 采訪冊在城西二十五里谷潭其山四圍皆水山南建有屈原廟唐宋以來仍之

大雄山 府志在城西南三十里山半有宋感鐘寺故又名感鐘山相傳宋雍熙間有鐘飛至山巔遂建此寺元至順壬

申鑄爐尚存

明 丁紹軾宿感鐘寺

為訪徐卿來相攜感鐘寺乘輿了夙懷古路入天際雲在兩
袖閒頰瞰人影細疑是別洞天天下乃見福地一徑杳迴合千
峰列蒼翠悠然虎豹蹲灑灑泉聲沸新筍萬玉叢蘭芽香滿
砌更有三五朋班荆問經義老僧半日忙吾儕百年會曉來
風雨留又向新齋憩再作伊蒲供不盡惠遠意安得長此山

解脫人間累

紫巖 江南通志在城西南三十里有紫泉府志有舖有紫巖大王廟宋周必大錄戊辰早發池陽飯十八里店又十二里

過紫巖居稍衆
即產紙之地

梅山 府志在城西五十里

天津山 采訪册在城西南三十里橫亘約里許如屏高展頂上有井泉四時清冽晴久愈盈土人呼曰天井頭旁有般

若古刹東麓有灣辟洞河水竭
洞水湧出民得汲以救枯禾

施芳嶺 采訪册在城西南五十里峻峭巖翠石萃嶺其中有蓮花池大小龍峪如瓣瓣蓮花之狀有蠟燭峰聳立雲

霄有鐵帽山以汪王神廟故名有石上樹大
如數圍視之若無土然濃黛參天宛然秀致

水車嶺 江南通志在府西南六十里峭壁臨淵奔流衝激若桔槔聲唐李白所謂秋浦千重嶺水車嶺最奇者也居民

貴池縣志 卷三 輿地志 山川一 三一

因白留題
築樓祀之

宋 郭祥正水車嶺

萬丈水車嶺還如九疊屏北風來不斷六月亦生冰

翰林山 采訪册在城西南六十里以唐李供奉過此而名其磅礴鬱積氣自佳麗幽叢密篠時聞翠羽聲

文筆峰 采訪册精銳如削令人駭目盪心飄然凌雲

蓮岫 采訪册花瓣攢出迤邐入諸山林壑歷亂

天馬山 采訪册兩尖競秀與蓮岫對峙常於落暉後餘霞散綺瞬息殊觀

烏石山 元和郡縣志烏石山在縣西百四十里廣德初為賊陳莊方清所據袁俊破平之江南通志在府西南六十里

與姥山相對唐廣德初宣饒劇賊陳莊方清據其地立砦閱四年始平唐書稱秋浦烏石山有銀有銅今無

芙蓉尖

采訪冊在城西南六十里雙峰聳立俗又稱望江尖以山形絕巘可望長江

姥山

李志在城西南七十里日姥者謂舞鸞鄉羣山之母也一作舞山江防考作母山府志山有宋陶亮砦址有太姆廟

舊傳孫權嘗獵山下得一豹旁有一姆日何不樹豹尾言訖不見故建廟祀之

按此事東坡以為在樊口今載入襄陽府志且羅隱

姆山詩曰借問邑人沈水事已經秦漢幾千年是姆

廟甚古沈水事本邑無徵亦不定在池州也土人於

山之大者輒尊曰祖曰姆是廟本祀山神特傳會其

事耳

吳襄舞山賦

貴池縣志

卷三

輿地志 山川一

三三一

按地志載舞山即姆山謂堪子視衆山也羅昭諫詩與舞山

義無涉或曰山勢踴躍如舞且地近舞鸞鄉蓋取此因作舞

山賦其詞曰爾其靈通帝座秀孕神州蟠旋楚尾堯岬吳頭

距石城之巨鎮鍾玉斗之仙邱碧嶠紛綸鱗口之孤城入畫

奔濤砥柱溢江之巨浸橫流况復九子連襟二樓接幕鹿愁

洞冷以難棲雁訝峰高而易落數雲邊之蓮蘂濃黛如黏瞰

樹外之梅根輕烟類削江光浩蕩西浮山嶼之青螺紫氣虛

無東指陵陽之白鶴猗哉秋浦之靈區渺矣麗農之別壑微

名曰舞取義云何眺躄的兮窈窕玩嵯嶮兮婆娑伊縈左而

拂右羌伏少而昂多石立將飛突攢霄而首奮崖迴欲墮忽
聳壑而肩摩展層嶺以盤天儼龍跳蛟騰之矯矯冠嶇嶽而
盪日驚鸞翔鳳翥之傴傴當其青滴春巒藍堆秋谷霧海湧
而增高星河搖而助轟魚陣則遠岫三三彩遊則鄰峰六六
盤鼓響而風洞噌吰華絲垂而花蹊重複雲來作袖翩躚怒
起之崖霓截成裳宛轉斜飛之瀑旁稽山史別著姥名地隸
舞鄉之里傳同天姥之聲謂此地之岡巒應尊小嶽笑諸峰
之羅列酷肖羣嬰然而山也翠競飛空蒼俱拔地魚載慙
幽水車遜媚僉稱衆母應崑崙枝幹之餘漫視三公亦瀟霍

貴池縣志

卷三

輿地志 山川一

三三三

附庸之位而乃名山志逸福地編殘司馬之江淮失紀舞鸞
之草木生寒猿語鵲嘯尋荒陂而問答楓人木客撫紺壁以
盤桓羅氏詩中空繡幌花容之句陶家砦口餘金戈鐵馬之
壇嗟乎山也名齊隴兮字杜磯高徑尺羣呼太子之臺墩大
如拳咸識相公之圃金雞未咏誰摩石畔荒苔玉鏡纔吟競
賞潭邊怒雨維山附人以傳亦人因山而古今也一字經題
千峰有主篇篇鑿險生面重開字字鏤奇幽光頓吐賦旣津
逮以盈編山亦嵩呼而起舞

南泉山

江南通志在府西南七十里有泉府志唐貞元十一年
普願和尚創寺於山之陽泰和元年賜額南泉承恩寺

有宋查革碑已斷
普願和尚塔尚存

金竺洞

府志在南泉寺之西叢篁密篠初不知有洞樵牧輩常見一白衣婦人出跡之得巨洞玲瓏萬狀頂成華蓋宛

然一大士趺跏其中鄉人頂禮無
虛日洞口有石刻天在山中四字

本朝
吳光之金竺洞

誰入虛無境山中小有天似將南海地一真北山巔奇訝蠶

叢闢幽疑鬼斧鑿氛囂無處入洞口鎖雲烟

滴水崖

采訪册在烏石山西北懸崖百仞峭壁嵌空上有飛泉自洞中出懸瀉於危崖之上澎湃之聲晝夜不息

秀峰山

舊志在城西南七十里明孫仁墓在焉上有大將軍廟早禱雨輒應

秀山

江南通志在府西南八十里疊嶂如屏貴池在其下有梁昭明太子冕服陵在焉宋陸游入蜀記秀山有昭明太子

貴池縣志

卷三

輿地志 山川一

三四

墓拱木森然下有昭明廟建於
梁大同三年宋明相繼修葺

華黃秀山懷古

文選樓高星漢間新晴風景舊河山石城秋水年年碧洗盡

南朝金粉斑

周光鄰謁秀山祠

衣冠遺葬此山邱竹柏陰森夕照幽宮寢六朝餘片石文章

百代有高樓崖光競秀真如剡浦水常清果似秋擬上釣臺

尋舊蹟楊橋新月已當頭

寶珠墩

秀山志寶珠墩在蓮花塘之右其圓如珠有放生池方廣不及蓮塘之半傳聞太子放生魚於其中

稽山

府志在城西南八十里
宋章禪師道場在此

仙人洞

采訪册在稽山之巔洪敞深邃嵌空皺瘦巨石一方平而廣昔傳為仙人下棋之所口有古桃一株實大如橘

花摘數
日猶鮮

雍山梅精山

采訪册在城西南八十里二山合為一山以大宮小平野墾田約十數處岡巒高出其上

穿山

府志在城西南九里有洞相傳宋建隆中有犬登木化龍穿山而去宋多福寺在洞口

宋
滕宗諒穿山洞

洞戶千年叫不開白雲無主自徘徊只因種玉人歸後一閉

春風待我來

梅堯臣和滕公遊穿山洞

貴池縣志

卷三

輿地志 山川一

三五

洞口水石淺潺潺瀉綠蒲緣溪進巖竇陰黑入境殊中言有

物怪蟠蟄春未蘇霖雨雖有意風雷莫肯扶風雷自鼓盪不

久當何如欣幸禪林近鐘梵來有無回策歷幽徑衣香草露

濡老僧長松下麋鹿與之俱溪雲時見起山鳥自相呼羨爾

得茲樂何用勞形軀

大王洞

采訪册在城西南八十里洞旁有忠佑大王廟其廟倒懸巖壑於山之麓豁然開朗袤十丈廣三之一石壁輪

困如車蓋高半之下可容百十人左折穴道昏翳水從內出以石擊之聲如洪鐘

雙溪山

舊志在城西
南九十里

牛頭山

舊志在城西南九
十里瀕江出鱖魚

泥灣山 采訪册在城西南九十里明吳應箕屯軍砦依山雄峻爲守禦名虎關有插旗石孔尙存

吳應箕題泥灣壁

離亂到於今江南又陸沈各懷家國憾不變死生心好整偏
能奮提戈亦解吟他年銘勒事一笑此亭陰

長山 采訪册在城西南九十五里山岡邐迤長十里一望原隰平衍士人呼長山阪

窟巴山 府志在城西南一百里

亞巴山 府志其高亞於巴山故名山半有龍池每久旱雲霧矗起池水泛溢鄉人以此占雨候

貴龍尖 采訪册西南諸山之少祖豐下銳上空所傍依而高插雲霄陽開陰閣人得瞻於十數里外

鳳形山 采訪册在城西南一百里土山戴石嵯峨萬狀

貴池縣志

卷三

輿地志 山川一

三六

虎牙嶺 采訪册嶺上有亭亭旁有泉出而復入不知其源委

撲帽山 采訪册在城西南百里巖石玲瓏飛泉瀑布

白雲山 府志在城西南一百里有洞有唐白雲寺遺址

明 李宗泗白雲山

仙源借得泛仙槎竹外梅邊小徑斜峭壁倒懸千歲樹香泉
流出四時花敲棋聲散秋天鶴吹笛寒分夜雨蛙扶醉夕陽
隨浪笑箇中風月爲詩家

全山 府志在城西南一百里有洞

魯祖山 府志在城西南一百二十里爲魯祖教道處

卉竹山 采訪册在城西南一百二十里鳥多翠羽四時變聲

城山 府志在城西南一百三十里山勢環如城有元末羅友賢砦址

筆架山 采訪册在城西南一百四十里西溪

蛾眉山 采訪册在西溪體長而纖雨中染黛景熊尤佳

荷包山 采訪册在西溪體厚而圓春花滿山天然錦繡

花山洞 采訪册在西溪玲瓏深邃流泉滴入聲如鐘磬

象鼻石 采訪册象鼻石有二一在齊山一在西溪

龍潭山 采訪册在城西南一百四十里杏溪上有清泉忽出忽沒相傳為龍所伏旱則禱雨焉

魚龍洞 采訪册在杏溪張村之水出焉灌田三百畝

貴池縣志

卷三

輿地志 山川一

插柏崖 采訪册在治西南一百四十里崖石壁立數仞其隙皆生柏枝幹蒼秀俗稱為仙人插柏

高山 府志在治西南一百五十里

魚載山 江南通志在府西南一五十里有懸泉從石壁三級而下注於潭中上有巨石如鯉魚狀

船塘岡 采訪册在治西南一百六十里懸崖飛瀑瀉入上溪石澗分流潺湲之聲與新雲菴鐘相應

海螺山 采訪册在治西南一百六十五里唐村峰巒環拱秀麗殊常

烏尖山 采訪册在治西南一百七十里洪村吳應箕墓在此見吳孟堅千秋盛典錄

粉壁山 采訪册在治西南一百七十里臨河壁立狀類粉牆故名

金家山 采訪册在治西南一百七十里宋進士唐德潤葬此

七里山 采訪册在治西南一百七十里山路險峻行者苦之陳應濤捐工砌石以便來往王元梅有碑記

獅子崖 采訪册在治西南一百七十里

樸頭嶺 采訪册在治西

眠犬山 采訪册在城西南一百八十里

天馬山 采訪册在治西南一百八十里

吳山 舊志在源頭山下有五顯行祠

網山 采訪册在治西南一百九十里詹陂河西一

壺峰 采訪册在詹陂河東危峰

黃杜嶺 采訪册在治西

駝峰 采訪册在治西南二百里上有方石丈

貴池縣志

卷三

輿地志 山川一

照紫山 采訪册在治西南二百一

新嶺 采訪册在治西南二百

雙峰 采訪册在治西南二百一十里彭

鳳頭山 采訪册在治西南

石印墩 采訪册在鳳頭山麓廣數十

用功山 舊志在治西南二

古源山 府志在城西南二百二十里恭

仙寓山 府志在治西南二百四十里相傳有建德檀氏女於此

汪道崑有記菴久傾圮本朝康熙間僧芥舟重建山下有

密巖菴無上菴景甚幽秀李崧祥讀書於此鄭三俊有記

雞頭嶺

采訪冊在源頭河西通建德

櫟根嶺

采訪冊在源頭河東通祁門上有無上菴王建和讀書於此咸豐間曾文正公相度形勢建置石塹於此以

禦粵匪所謂一夫守關萬夫莫當也新纂

城東山

湖心三墩

府志在城東半里許一日相公墩南唐宰相湯悅讀書處或曰宋黃太尉葬此有湖心禪寺寺名永興有

閣名天柱一日紫芝墩明崇禎初邑令張燦垣創一曰三台墩本朝李太守創以塞郡城水口有佛閣

明

丁紹軾相公墩永興寺記

吾郡畿輔上游前臨湖後阻江湖水自西南迢遞而來東流

與江會中有三灣九曲之處形家號稱水口之良其閒華表

貴池縣志

卷三

輿地志 山川一

三九

捍門屹然者首相公墩次百牙山又次清溪守土者遞加潤

色則有閣有橋有隄有窳堵形家言者天門宜宣地軸宜闕

故東北一隅致完密焉其在相公墩舊有相公書院相公舊

傳為唐湯悅宋范仲淹嘗讀書其處而郡志又云宋黃太尉

以征西涼歸卒葬於此因名焉書院前此不可考我朝嘉靖

時郡守陸公岡初為之後東粵湛甘泉先生與吾邑先哲李

古源吾先子海暘聚徒講學於此因墩面九華遂更顏曰會

華至萬曆改元而書院遂蕩然邱墟矣說者歸咎時為政者

然其故亦難言之嗟乎山川不改景物依然忽為文明忽為

榛蕪覽眺於斯者卽不爲藏修游息地獨不爲合郡水口地哉有廢必興越三十年東粵博羅黃公以二千石來蒞茲土咨訪其事慨然圖復之而公政在不擾又歲比不登不欲以特勑滋費會郡西有乾明寺者形家向稱郡脈自西來建寺非宜適彼衆內構公曰釋來脈之負擔爲去流之關鎖豈非除害興利一舉兩得者乎遂析其半遷於墩舊址而又不忍棄其莊嚴遺像令比邱偕之徙題曰永興寺噫嘻此卽不得光復書院而所爲荒原蕪草已煥然新東北形勢已巋然壯矣又清溪窳堵肇興厥工未竟公繼舉之實與茲墩相望東

門之外洪波浩瀚行旅如織崇高厚下風景爛然伊誰賜也公之善政未可枚舉茲其一端今遷粵西臬副去又三年矣郡人士思公益切會向督工耆民王夢齡暨郎國勲子思舜謀伐石紀其事屬記於余余欣然從之余惟公治不擾而於所當爲未嘗不勇且決昔漢室多循吏率以寬和首稱黃霸然諸弭盜安民爲所當爲者霸曷讓焉人故以今之黃公比漢黃霸云是年鄉舉九人次年不佞謬廁詞林公竊竊焉以爲徼靈於地旣公之子舉於粵報捷公所郡人懽呼皆以爲公盛德食報於天嗚呼噫嘻向使公不卽遷去或遷之吾六

郡公猶將建文昌閣於斯墩畢窳堵於清溪其鞏固形勢興起斯文者意蒸蒸無窮焉迄今思之言猶在耳後之繼公者能無聞公而興者乎公諱流芳別號愷衷爲己丑進士時共襄厥事者司理李公養重縣令羅公憲愷嗣是郡守李公思恭郡丞林公雲龍郡理李公養冲縣令游公湖適觀厥成法得備書

明

吳應箕相公墩記

相公墩在池州東湖中去城三里而近南唐湯悅未第時讀書於此故以名也墩延廣不及十畝隆起不過數尺從城直

視形爲最下然春夏水起四周灑森而墩故突其中歲大浸至於溢城郭沒隄梁墩猶自若相傳與水浮沈者所謂地肺也當非妄語墩故有院荒寂已久萬厯閒蜀僧文石創精廬其上至其徒有明上人如是者益廓治之高閣巍廊垣階相接又叢條森植環於左右墩之勝遂爲吾郡獨絕予遊於墩者二十餘年矣歲至郡則必過過或信宿又假寓焉或淹至數月嘗試月夕雨晨登閣而望水烟吞互至不見涯際指視城郭屋廬蒼茫數點而已泊乎風日開霽水波不興操舟而往縱意所之如人在霄漢中飛行絕迹至風起水湧急而登

岸巨濤激於檻前危帆指於簷隙坐察聲勢意恐身安而鐘
磬之音時相答也其或水落烟寒大雪偶作杳無人跡而墩
如海外孤嶼在若有若無之間故墩無杭西湖之豔冶其疎
澹過之無洞庭彭蠡之險奇有時能極其勢高不及培塿以
上而有雲崖石屋之幽近在人間聞有至者則足音蹙然其
隆起者大如掌耳江天萬里舉在眉睫非習於墩不能知習
墩者固無如予也一日明僧請曰子豈獨習墩乎使天下後
世知池之有墩者終以子也予感其言記之崇禎某年月日

明
余翹相公墩

貴池縣志

卷三

輿地志 山川一

四一

相公墩上有精廬湯悅曾經此讀書不薦同鄉樊若水笑君
肉食計何疎

吳應箕過相公墩因觀所作新隄

同劉
廷鑾

不到湖墩久今來問水潄天空如野色僧伴只疎林可惜登
臨暫因知歲月侵與君同憶昔鐘磬杳然深

劉城相公墩閣上作

逃暑扁舟路轉遙偶來危閣訪僧寮當門淺岸留青草遶寺
枯楊擲白鱗送盡江風來此暮生殘海日待明朝窅波野屋
生秋色指點牆東對麗譙

南唐史相好文章曾此垂竿對夕陽
筆勢際山成藁簡簞紋
接水上匡牀功名雖憾朝廷小
邑里猶傳制誥長所讀何書
吾不問公孫開閣幾賢良

本朝

吳一鳳相公墩

渡水躡雲林雲高水復深
潮來侵佛面月落印天心
衆籟喧前浦孤帆挂遠岑
徘徊消俗慮蒼靄動龍吟

吳節民秋日遊三台墩

數里清溪繞梵宮官閒今喜出城東
雲高嵐影重重紫霜落
楓林樹樹紅但以嘯歌馴野鶴
不將絲竹擾潛龍兒童爭聚

貴池縣志

卷三

輿地志 山川一

四三

相迎看可得風流似謝公

坐深清景絕塵寰唐相遺蹤不可攀
寒色一江魚挂網暮烟
雙塔烏歸山肯因俗吏相拘束
待與高僧作往還擬棹米家
書畫舫繫來紅板綠楊閒

王紹正和吳郡伯秋日三台墩原韻

檐外千山抱梵宮崇祠古木石橋東
一聲沙鳥晚溪碧幾片
野雲夕照紅遠岸秋深搖橘柚
大江波急走魚龍百牙僧舍
寒烟窳把酒臨風酌謝公

曹兼舟泊湖山望相公墩

蒲瘦波寒夜輕舟泊岸旁霜清鷓柏紫風過蔦蘿香片月穿

湖早雙隄夾鏡長漁燈明滅處令我憶南唐

碧山

江南通志在城東十里瀕湖蒼崖翠巘倒影

白沙嶺

舊志在城東十里有舖

江通山

府志在城東十五里山上有泉可通江水故名

懸寺山

舊志在清溪

新城山

舊志在東一保之陽有永明寺

三角尖

舊志在城東二十三里雲橫半嶺水接長天勝概絕佳

楓山

采訪冊在城東二十里童娑舖之北俗名峰山高數十餘丈周圍五里許石磴數十級上有禱雨臺昇仙坦鉢孟石

貴池縣志

卷三

輿地志 山川一

四四

船峰石飲馬泉諸名勝有永慧菴二僧坐化

本朝

王麟定游楓山

仙風吹上小蓬萊絕頂登高亦快哉抽得閒身容嘯咏放開

望眼倚樓臺多情花鳥留人住如畫青山抱郭來我與老僧

曾識面重遊仍印舊蒼苔

闌江山

采訪冊在城東三十里一名藍家隴其脈自太婆山至江通山穿分水嶺突起此山蔚然深秀為龐冲梅根山

之祖瀕郭港而闌大江上多怪石有仙人跡形如足掌

雨臺山

采訪冊在城東三十里與闌江山同祖太婆江通山為石屋鬚山之祖層巒聳翠突兀崢嶸里人禱雨之處下

有水泉湧出四時不竭

石屋觜

采訪册在城東三十里其脈來自江通雨臺山傍湖而立形如筆架故名石五觜巖下有洞洞中有石柱其形如屋昔人以爲藏仙處今被風浪奔瀉洞口稍閉

鬪龍山

府志在城東四十里

石黑山

舊志在城東六十里舊有驛元至順間南幸江甯駐蹕於此今廢爲舖

元 薩都刺石墨驛

平地東風草木嬌也因曾識赭黃袍九華雲氣隨龍輦萬壑

泉聲奏鳳韶丞相高懸犀角帶將軍斜插雁翎刀漢江一日

飛龍馬天上銀河跨白橋

東黃山

采訪册在城東六十里其脈自九華蓮花峰蜿蜒而來行至馬家嶺乃貴青兩縣分界處由馬家嶺至黃山其

貴池縣志

卷三

輿地志 山川一

四五

西出者曰焦嶺及雲山其東出者曰低嶺越數里又有高嶺自高嶺抵甲山計二十餘里山皆平遠而突兀撐空者曰兼葭山以舊產兼葭故名有尖角山高數十丈廣半之登其巔則知衆山崩施數里之外可縱觀焉由黃山中出北行六七里曰湖子嶺諸峰羅列其最勝者曰香山由湖子嶺迢遞而北山列如屏下建三昧菴山卽以名其東爲小嶺山又名萬羅山上芙蓉峰聳然爲一方之鎮又東行二三里有火焰嶺具左右諸峰直如火焰西行二三里曰大嶺其山名一峰又名鵝峰翠嶂插天其下曰瑤蘭頂亦奇特由鵝峰而西曰鬪龍山距一河與西山對峙自瑤蘭頂直下北行二三里脈絡紆迴曲折突起一隴名虎嶽俗名老虎隴包許胡黃柯等姓環居於此

雲山

采訪册黃山西山延袤十餘里其間怪石嵯峨多巖洞有如虎踞張口者曰虎洞可坐四五人中有石枰遊人多就其枰爲弈戲有小洞廣數寸深不可測投以石枰遊人多就如不絕最後則嘈呶如洪鐘謂之響鐘洞西麓有菴曰雲山菴旁有洞開半畝怪石參差羅列窺之窅然曰張天洞投以石聲如小洞其洞旁小石擲之一空故遊人欲聞其聲必攜

石而上如齊山之無底洞而音響過之菴下有洞內石屋兩
間光通一綫洞口幽峽峻險入必操火大洞方圍丈餘頂空
如樓小洞有石井水清冷深亦無極有焦嶺路皆石石間有
馬蹏壺盧舊跡傳是仙人飛昇處因名其亭曰仙蹟亭

香山

府志在城東六十里宋末鮑雲龍自台州棄官歸隱於此
築堂曰清幽與同時吳龍翰古梅宋復一足菴諸名士友
善見古梅集

吳龍翰題鮑魯齊清幽堂

我觀秋浦東獨愛香山好君卜此中居築堂復深窅自名曰

清幽永絕紅塵擾

鐵券山

府志在城東六十里相傳黃巢降唐受鐵券於此故名

蝦蟆石

采訪册在城東六十里茅坦杜氏居焉後一巨石踞中衆小石伺其傍像形維肖

貴池縣志

卷三

輿地志 山川一

古鼎山

采訪册在城東六十里高數十丈亘延十餘里石峰林立盤鬱古樸形多似鼎

仙跡嶺

采訪册在城東六十里高五六十丈上有仙人桌相傳仙人憩飲於此去後留有雲帚壺盧馬蹏諸跡土人因

建亭焉

尖架山

采訪册在城東六十五里其秀削如筆架明湯賓尹有尖山積雪留題

浮山

采訪册在城東七十里一名湖山在南河湖心突起春水發生四面旋繞遊人於舟中望之不甚聳峻登其巔頓跌

起伏如三台拱列巨石嶒嶸與齊山相似

城東北山

百牙山

府志在城東北半里許其麓落篷灣舊志謂池盛時集賈舶於此百牙計其值故名明陸太守岡以郡城水口

建浮圖於上按山麓有東嶽殿殿右有閣祀前令趙香沙閣右有廳前學憲白小山題有坐此忘歸額咸豐間兵燬光

緒七年邑紳劉
瑞芬重建新纂

金宗份晚登百牙山樓

不異西陵湖上游翠烟周帀望中收柳條遮日消初暑蒲色
迎風泊乳鷗叢樹小山雙塔迴長隄細浪一舟浮樊川詩句
龍眠畫領取還登麗矚樓

周光鄰百牙山

層檐飛向百牙開暇日登臨第一回十里溪聲當檻轉九華
山翠過湖來柳邊繫馬逢僧話竹裏聽鶯勸客杯江上風光
春易老年年孤負好樓臺

貴池縣志

卷三

輿地志 山川一

四七

潘瑛次韻

昔年高會此樓開醉踏斜陽落葉回魚鳥忽驚雙鬢改江山
重見故人來風簾月檻新禪榻浦雨溪雲舊酒杯莫問天涯
與鄉國好登臨處卽春臺

孝娥山

府志在城東北二十
餘里瀕江有孝娥廟

按孝娥山以鐵官女得名江南通志作孝姥山姥者
老婦之稱誤

赤山

舊志在城東北四十五里
郭港梅根之間瀕大江

城北山

黃龍山 府志在城北五里瀕江唐有貴池亭今廢

鎮山 府志在城北五里池口有梁昭明太子釣臺又有崇教寺明廢為倉崇禎末為左兵燬

古樓山 采訪册在城北五十里諸峰挺秀其上有三仙廟

翠屏山 采訪册在城北六十里有昭明太子廟鄉人訛傳為那叱太子

以上漆志附新纂

饅頭山 在東一保其山原不產石炭明萬厯間有奸民訛稱產炭丁文恪建言趙巡撫禁止崇禎九年復盜開諸生李

可珍建言禁止明年知縣田瑞龍奉安池太道史公可法立碑永禁李志

按咸豐間粵匪踞池開挖二丈餘深黑石非炭遂止

光緒五年有奸民盜賣於官商居民章姓訟諸上憲

貴池縣志

卷三

輿地志 山川一

止之

馬鞍山 在湖山之間上有湖山堂今廢又齊山之尻東塘湖之源亦有馬鞍山李志

西山 在峽川即三十六山之支也有宋淳祐石刻姓名明劉城有峽溪西山宋蹟記並為詩焉李志

象山 在城南東六十里舊志云在縣西南二百二十里仁四保李志

插花山 在舞上二保李志

神山 在舞上一保上有仙洞雲興則雨李志

清名山 在長壽鄉李志

青尖 在石門唐高霽隱此李志

蓮華尖 在雙峰北李志

蚌螺嶺 在東管鄉嶺高盤如螺狀李志

梨嶺 在原名黎樹李志

鳳凰嶺 在仁二保李志

古田嶺 在梅村山徑李志

大嶺 在舞鸞鄉長林村後山之少祖山也高聳特出登其顛左江右湖四望勝槩如畫明丁文恪公長林八景之詠大嶺

遠眺乃其一焉李志

竹塘洞 在仁三保竹塘山前有雨神祠李志

古溪葛仙洞 在義二上保李志

小樓山洞 本名齋羅洞明吳非易今名有詩歌圖畫李志

貴池縣志

卷三

輿地志 山川一

何仙洞 在大阮李志

牛避洞 在峽川吳非有記李志

耕巖洞 在麻唐嶺之蕨陽宣城沈壽民嘗遊此李志

西厓 在原二保唐金地藏所遊嘗卓錫取泉李志

戚家隴 其下為白笥陂苦竹阪李志

相家隴 在峽川之西一名方家隴李志

馬站陂 在故秀山驛地李志

御臨陂 近黃溢相傳建文君所臨李志

高枕石 在上清谿老步潭間有石刻李志

獅子石 一在東一保石高丈許一在李陽河壩大江中李志

牯牛石 在玉鏡潭之上即所謂釣臺者李志

獅山石 在峽川有戴移孝吳非篆刻甚多李志

斬馬石 與雞毛石近李志

雪浪石 在谷潭之澣鄭三俊有詩李志

飛泉石 在感鐘寺右舊稱挂榜石吳非易名李志

老僧石 一稱和尚峰在湧泉寺劉城有詩李志

以上新增

三山 在孝一保珂田三峰並峙有鳳舞虎蹲之勢其下二水環抱如雙龍戲珠采訪册

貴池縣志

卷三

輿地志 山川一

硯石 在濬河波中時現時隱珂田王氏居河上相傳洪水衝現澄清則為人文蔚興之兆采訪册

蓮花峰 宋周必大遊雲光寺登閣望六峰愛其形如蓮花因名焉上多怪石有石屋石牀石牛石蛙石猴采訪册

別一洞 在孝一保彭溪內有隱仙樓羅漢洞諸勝洞中石龍石虎不假雕琢由旁門入有仙人跡在焉供觀音大士像

祈禱必應相傳葛洪曾寓此故葛仙源葛公鎮去此不遠采訪册

青山 在城南七十里距獅山半里許山麓有梁昭明太子祠唐羅隱詩青山並列東西寺黃葉孤飛遠近村指此采訪册

南山 亦名五指山城南七十里水口有文昌閣居人劉氏建采訪册

石門山 在豐泉陳村北山麓為通徽皖大道采訪册

馬嶺 在豐泉陳村南十里形如獵馬回頭兩山緊鎖下有溪陡險昔羅友賢踞此結砦明常遇春破之山麓有大王廟即

祀常遇春也咸豐六年粵逆竄逼山隅陳源深等防禦殉難於此事詳忠節傳采訪册

佛陀嶺

一名小九華與蓉城接壤採訪冊

小香山

在城南六十里蝦湖對面巖徑高聳峰巒環繞山上建有觀音閣下即蝦湖水口建有關帝廟文昌宮殿宇嵯

峨登臨至此恍覺別有一天採訪冊

以上新纂

貴池縣志

卷三

輿地志 山川一

五一

